

Ո Ր Ո Շ ՈՒ Մ
Վարչական վարույթը կասեցնելու մասին

«12» ապրիլի 2023թ.

ք. Սիսիան

Ես՝ Հայաստանի Հանրապետության պետական եկամուտների կոմիտեի Հարավային մաքսատուն-վարչության պետ Արտաշես Ղամբարյանս, քննելով Իրանի Իսլամական Հանրապետության քաղաքացի Ռահիմ Ակբարի Շահդուստ Մողանլուի (անձնագիրը՝ B61773818, հասցե՝ ԻԻՀ, ք.Արդեբիլ, Շադաջափի պողոտա, 4-րդ փողոց, տուն 59) կողմից մաքսային կանոնների խախտում կատարելու վերաբերյալ նյութերը,

Պ Ա Ր Զ Ե Ց Ի

2023 թվականի մարտի 2-ին՝ ժամը 22:04-ին, Իրանի Իսլամական Հանրապետության քաղաքացի Ռահիմ Ակբարի Շահդուստ Մողանլուին Հայաստանի Հանրապետության կողմից մուտք է գործել «Ագարակ» պետական սահմանի անցման կետ, իսկ այնուհետև անցել ՊԵԿ Հարավային մաքսատուն-վարչության Մեղրիի մաքսային կետ-բաժնի ուղևորների մեկնման սրահի մաքսային հսկողության գոտիով: Սակայն որոշ ժամանակ մնալով վարչական շենքի տարածքում՝ ԻԻՀ քաղաքացի Ռահիմ Ակբարի Շահդուստ Մողանլուին դուրս է եկել շենքից և մուտք գործել ուղևորների ժամանման սրահի մաքսային հսկողության գոտի, որտեղ նրա նկատմամբ իրականացված բանավոր հարցմանն ի պատասխան հայտնել է, որ հանդիսանում է Հայաստանից Իրան մեկնող ավտոբուսի վարորդ: Հիշյալ ԻԻՀ քաղաքացու նկատմամբ անցկացված անձնական մաքսային զննման արդյունքում վերջինիս տաքստի տակից՝ գոտկատեղի հատվածից, հայտնաբերվել են մաքսային հսկողությունից թաքցված 355 և 328 գրամ քաշերով 2 հատ ոսկյա ձուլակտորներ:

Փաստի առթիվ ԻԻՀ քաղաքացի Ռահիմ Ակբարի Շահդուստ Մողանլուի նկատմամբ «Մաքսային կարգավորման մասին» ՀՀ օրենքի 313-րդ հոդվածի հատկանիշներով հարուցվել է մաքսային կանոնների խախտման վերաբերյալ վարույթ, այն է՝ «Հայաստանի Հանրապետության պետական սահմանով մաքսային հսկողության ներքո գտնվող ապրանքների տեղափոխումը՝ մաքսային հսկողությունից թաքցնելով՝ գաղտնարանների օգտագործմամբ, ապրանքների հայտնաբերումը դժվարացնող այլ եղանակներով կամ ապրանքներին այլ տեսք տալու միջոցով»:

Հարուցված վարչական վարույթի շրջանակներում ոսկյա ծուլակտորների շուկայական արժեքները, բաղադրությունները և հարգերը որոշելու նպատակով 07.03.2023 թվականին նշանակվել է «Նյութագիտական և ապրանքագիտական համալիր փորձաքննություն», որի կատարումը հանձնարարվել է ՀՀ ԱՆ «Փորձագիտական կենտրոն» պետական ոչ առևտրային կազմակերպության փորձագետներին: 29.03.2023 թվականին տրված թիվ 05202304 եզրակացության համաձայն՝ փորձաքննության ներկայացված ծուլակտորներից մեկը 988 հարգի է, և շուկայական արժեքը կազմում է 7.430.000 ՀՀ դրամ, իսկ մյուսը 998 հարգի է, և շուկայական արժեքը կազմում է 8.127.000 ՀՀ դրամ:

Միաժամանակ ՊԵԿ Հարավային մաքսատուն-վարչության կողմից որոշվել են 2023 թվականի մարտի 2-ի դրությամբ հիշյալ ծուլակտորների ԱՏԳ ԱԱ ծածկագրերը և մաքսային արժեքները, մասնավորապես՝

- 988 հարգի ոսկու համաձուլվածքը դասակարգվում է ԱՏԳ ԱԱ 7108120009 ծածկագրով, իսկ մաքսային արժեքն անհատ ձեռնարկատիրոջ կամ իրավաբանական անձի կողմից թե՛ «բացթողում» ներքին սպառման համար» և թե՛ «արտահանում» մաքսային ընթացակարգերով ձևակերպման դեպքում կազմում է 7.430.000 ՀՀ դրամ,
- 998 հարգի ոսկու համաձուլվածքը դասակարգվում է ԱՏԳ ԱԱ 7108120001 ծածկագրով, իսկ մաքսային արժեքն անհատ ձեռնարկատիրոջ կամ իրավաբանական անձի կողմից «բացթողում» ներքին սպառման համար» մաքսային ընթացակարգով ձևակերպման դեպքում կազմում է 7.256.599 ՀՀ դրամ, իսկ «արտահանում» մաքսային ընթացակարգով ձևակերպման դեպքում՝ 8.127.000 դրամ:

Հաշվի առնելով այն, որ ԱՏԳ ԱԱ 7108 խումբը ներառված է ՀՀ կառավարության 14.01.2021 թվականի թիվ 35-Ն որոշման հավելվածով հաստատված ռազմավարական տեսակետից կարևոր հումքային ապրանքների և մշակութային արժեքների ցանկի 11-րդ կետում, ինչպես նաև այն, որ հիշյալ ծուլակտորների ընդհանուր մաքսային արժեքը գերազանցում է 8 միլիոն ՀՀ դրամ գումարը՝ ուստի տվյալ դեպքում առերևույթ առկա են

ՀՀ քրեական օրենսգրքի 292-րդ հոդվածով նախատեսված հանցագործության հատկանիշներ:

Ղեկավարվելով ՀՀ քրեական դատավարության օրենսգրքի 176-րդ և 178-րդ հոդվածներով՝ վերոնշյալի կապակցությամբ հաղորդում է ներկայացվել ՀՀ քննչական կոմիտե՝ նախաքննություն իրականացնելու համար:

Հաշվի առնելով այն հանգամանքը, որ մաքսային կանոնների խախտման վերաբերյալ վարույթի ընթացքում անհնարին է տվյալ վարույթի արդյունքում ակնկալվող վարչական ակտի ընդունումը մինչև սահմանադրական, վարչական, քաղաքացիական կամ քրեական դատավարության կարգով քննվող գործով որոշում (դատական ակտ) կայացնելը, ուստի, ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին կետի ա ենթակետով, վարչական վարույթը ենթակա է կասեցման:

Վերոգրյալի հիման վրա և ղեկավարվելով «Վարչարարության հիմունքների և վարչական վարույթի մասին» ՀՀ օրենքի 49-րդ հոդվածի 1-ին կետով.

Ո Ր Ո Շ Ե Ց Ի

1. Իրանի Իսլամական Հանրապետության քաղաքացի Ռահիմ Ակբարի Շահդուստ Մողանլուի նկատմամբ սկսված վարչական գործի վարույթը կասեցնել:
2. Որոշման մասին հայտնել Իրանի Իսլամական Հանրապետության քաղաքացի Ռահիմ Ակբարի Շահդուստ Մողանլուին:

ՀԱՐԱՎԱՅԻՆ ՄԱՔՍԱՏՈՒՆ-ՎԱՐՉՈՒԹՅԱՆ ՊԵՏ

ՄԾ ԳՆԴԱՊԵՏ

ԱՐՏԱՇԵՍ ՂԱՄԲԱՐՅԱՆ